

絳縣志

地集

城池

壇廟

公署

學校

田賦

戶口

紀

倉儲

恩

兵防

絳縣志卷之三

城池 坊里橋梁附

縣城唐武德元年自車箱城移建築城周圍五里十三步高二丈濠深一丈東西南共有三門東鎮峯南絳陽西太安門各有樓宋金元因之

明正統十四年重修

成化七年邑令陳能於南門外增重門並樓

正德十一年邑令包得仁修建窩舖十七座

嘉靖六年邑令唐夢璋磚砌女牆三十四年地震樓

絳縣志

卷之三 城池

一

堞傾圮邑令陳訓復加修葺

隆慶三年邑令牛應龍奉檄增高五尺池亦濬深五年邑令翟來旬於西門外增重門並樓

萬曆五年城西北隅路斷門塞邑令王思治權開北門以通出入二十八年邑令黃維翰復修舊路塞北門三十四年邑令崔儒秀復開北門三十五年邑令趙士元仍塞北門

崇禎十四年邑令王敏增修北城敵臺二座南門外甕城加高數尺上建重樓

國朝順治六年土寇破城門樓俱為灰燼七年邑令吳宏佐重建三門八年署令徐祚煥建西門甕城樓十四年邑令鄭始宏重建東南二門樓十六年邑令趙士宏重修舖舍女牆

康熙三十四年地震三門俱傾圮五十一年邑令盧絳重修西門城樓五十二年修南門城樓

乾隆十二年城東南隅傾圮邑令舒起重修三十一年邑令拉昌阿重修城垣

同治六年邑令陳懷璋重修增舖舍造三門千斤關

絳縣志

卷之三

城池

境內鎮三處

橫水

大交

南樊

境內集四處

東關集

大交集

在縣東北四十里大交鎮

橫水集

在縣西二十里橫水鎮

荆姚莊集

在縣東北三十里南樊鎮

坊里附

境內里二十有六舊志絳邑明初編戶四十里後併去六里攢為三十四里崇禎年間又併晉峪南

續為晉南里賀水陳景為賀陳里存三十二里嗣
遭明季兵亂戶口凋殘

國朝軫念民瘼節次裁減今存二十六坊里

頭鄉 孝義

習義坊 城內街三村
一在縣東北

西街

南街

北街

李村 距縣
五里

通明坊 城內街一村
四在縣西南

東街

東西吳村 距縣
五里

絳縣志

卷之三 坊里

三

溝西莊 距縣
五里

峪南 距縣
五里

焦家澗 距縣
十里

雷孟里 村四在
縣西南

堯寓莊 距城
十里

東西雷孟莊 距城
十里

馬家莊 距城
五里

橫嶺關 距城
十里

冷口里 村七在
縣西南

東西吳必莊 距城
五里

西橋莊 距城
十里

西楊村 距城
十里

冷口莊 距城
五里

寨兒莊 距城
五里

煙莊 距城
十里

沸泉莊 距城二里

宋莊里 縣西南 九里

西荊村 距城十里 孔家莊 距城十里

白家澗 距城十里 宋莊 距城二里

柳莊 距城二里 周家莊 距城二里

西趙村 距城十里 趙村堡 距城十里

西磨裡 距城二里

橫水里 縣西 五里

安家澗 距城十里 橫水鎮 距城二里

絳縣志 卷之三 坊里 四

南橫水 距城二里 崔必莊 距城十里

東西录家莊 距城五里

仇張里 縣西北 九里

加家堡 距城二里 東西仇張 距城二里

上下高池 距城二里 南北步坑村 距城二里

牛村 距城十里 小張莊 距城二里

勃村 距城十里 崗底莊 距城二里

崔村 距城二里

東廂坊 附郭東面 一里 在縣東

東關

王家坡下 距城五里

二鄉 太陰

紫家里 村三在縣東南

紫家莊 距城十里

神仙莊 距城十里

郭家莊 距城八里

喬也里 村三在縣東北

南北喬也 距縣十里

南北路村 距縣五里

蓋家溝 距縣十里

陳村里 村九在縣東南

絳縣志

卷之三 坊里

五

陳村莊 距縣十里

東荆村 距縣十里

柴家坡 距縣五里

周家坡 距縣五里

南北喬村 距縣五里

東西南城 距縣十里

申家坡 距縣五里

鞏村 距縣五里

南官莊 距縣五里

犯村里 村七在縣正東

犯村 距縣十五里相傳為舅犯故里

張上莊 距縣五里

增村 距縣十里

韓莊 距縣十里

衛莊 距縣十里

睢村 距縣十里

藍峪莊 距縣十五里

任村里 距縣正東四里

任村 距縣二十里

李册莊 距縣二十里

澗東莊 距縣二十里

下村 距縣二十里

青凌里 村四在 距縣東

東官莊 距縣二十里

何王莊 距縣二十里

東磨裡 距縣二十五里

槐泉 距縣二十里

尊王里 村二在 距縣東北

郇王莊 距縣二十里

尊王莊 距縣二十里

絳縣志

卷之三 坊里

六

三鄉 備求

長三里 村四在 距縣東北

長于莊 距縣三十里

東西三澗 距縣三十里

磨頭 距縣四十里

倉豐莊 距縣四十里

永梅里 村二在 距縣東北

永樂莊 距縣四十里

北册莊 距縣四十里

馮范里 村三在 距縣東北

范柴莊 距縣二十里

馮村 距縣四十里

東趙村 距縣二十五里

晉南里 村二在縣東北

安峪莊 距縣三十五里

西北晉峪 距縣四十五里

北續里 村四在縣東北

續魯莊 距縣五里

東楊村 距縣五里

張村 距縣五里

枚村 距縣五里

賀大里 村四在縣東北

大交鎮 距縣四里

大郡 距縣四里

賀水莊 距縣四十五里

陳景莊 距縣四十五里

四鄉 絳邑

絳縣志

卷之三 坊里

七

鄭柴里 村三在縣東北

鄭柴莊 距縣二十里

遷橋莊 距縣十五里

陳家坡 距縣二十五里

北柳里 村三在縣東北

南柳莊 距縣二十里

北柳莊 距縣二十里

吉峪 距縣二十里

柏封里 村三在縣東北

下柏寨 距縣四十里

董封莊 距縣三十里

下柏莊 距縣四十里

史村里 村三在縣東北

史村 距縣三十五里

南樊 距縣三十里

北樊 距縣三十五里

范璧里 村一在縣東北

范璧莊 距縣三十五里

橋梁附

雙濟橋在縣城西北今廢

鎮峯橋在縣東門外乾隆三十一年邑令拉昌阿鋪

石四十五年邑令林琅奉道光十三年邑令韓寶

絳縣志

卷之三

坊里

八

鏐姜昌運光緒二年邑令孟詞宗相繼重修

順聖橋在縣東北三十里

通濟橋在縣西二十里橫水鎮西門外

趙村橋在西十里趙村東

北義溝橋即逆溝橋在縣東路村十里乾隆二十四

年邑令徐以泰重修更名義溝道光十二年邑令

周均重修

南義溝橋在縣東喬村十里同治七年邑令陳懷璋

重修

義濟浮橋在冷口峪中義民張應時建

通遠橋在縣東二十里李册莊西

保障橋在縣東北三十里三澗村西

聚風橋在縣南門外乾隆二十四年邑令徐以泰建

同治十一年重修

李公橋乾隆三十四年邑令李繼嶠勸建紳民遂以
三字題之

野虎溝乾隆三十六年邑令李繼嶠修築車路石堰

同治十一年邑令陳懷璋重修

絳縣志

卷之三

坊里

九

壇廟

先農壇在縣東門外雍正四年欽奉

上諭通行直省擇潔淨之地照九卿所耕藉田四畝九分之數設立先農壇於雍正五年爲始每歲仲春亥日府尹督撫及府州縣衛所等官率所屬之員耆老農夫恭祭先農神照九卿耕藉之例其設立先農壇並恭祭先農俱合動支正項錢糧其所用數目各該地方官報明戶部查核藉田所收之米粟謹收儲以供該處祭祀之粢盛雍正五年知

絳縣志

卷之三 壇廟

十

縣李祖望建造大殿三間左右配房各二間門樓一座周圍墻垣四十七丈壇制高二尺一寸寬二丈五尺神牌高二尺四寸寬六寸座高五寸寬九寸五分紅牌金字祭品羊一豕一帛一鋤一邊四豆四簋二籩二致祭前期致齋二日祭日主祭官及各官俱朝服行禮禮畢各官俱易蟒袍補服知縣秉耒佐貳執青箱耆老播種耕時耆老一人牽牛農夫二人扶犁九推九返農夫終畝農具俱用赤色牛隻用黑色箱用青色籽種悉照土宜壇宇

用勤謹農夫二人看守免支差役給與口糧五年
三月又奉部議耕藉日期每年十月朔頒憲書後
交欽天監預擇吉期奏請頒行各省同日舉行著
爲令

社稷壇在縣西門外壇制橫縱廣二丈五尺高二尺
一寸陛各三級繚以周垣四門紅油石主長二尺
五寸方一尺瘞於壇南去壇二尺五寸只露圓尖
神牌二以木爲之朱漆青字填寫神號屆祭期設
於壇上祭畢收藏潔淨處每歲春秋二仲上戊日

絳縣志

卷之三

壇廟

十一

陳設致祭祭品帛二俱黑色羊一豕一鉶一邊四
豆四簋二簋二

風雲雷雨山川城隍壇在縣治南門外周圍墻垣壇
制悉遵部頒制度每歲春秋二仲上戊日同壇設
三神位風雲雷雨居中山川居左城隍居右帛七
風雨帛四山川帛二城隍帛一俱白色祭品陳設
行禮與社稷壇同

邑厲壇在縣治正北每歲清明日七月望日十月朔
日祭無祀鬼神迎城隍神主之

鄉厲壇舊每一里一所今廢

城隍廟在縣治南明洪武四年知縣林實建萬曆七年知縣郝世相及耆民續進忠等重修

國朝康熙二十二年知縣彭標乾隆三年知縣蘇大禮十八年知縣汪援甲相繼重修咸豐三年燬於粵匪六年知縣周雲翥重建

關聖廟在治西街明萬曆二十年知縣黃維翰增修崇禎八年知縣黃從德重修

國朝乾隆十八年知縣汪援甲修建三代祠供香

絳縣志

卷之三

壇廟

十二

寺院及春秋樓每年春秋二仲月各致祭一次五月十三日致祭一次三十一年知縣拉昌阿重修道光三年五街紳民重修咸豐三年燬於粵匪六年知縣廖堃元周雲翥重建 一在城外西北明萬曆間知縣黃維翰建 一在治東三十里鄭柴鎮 一在城東門外乾隆十九年建道光同治年間相繼重修

龍王廟在縣治東南舊察院址乾隆七年知縣王瑞霖改建凡請雨止雨俱在廟中每歲春秋二仲月

有司致祭一次三十四年知縣李繼嶠移建南街
舊涑陽書院址道光二十七年知縣潘名魁重修

一在縣南十五里湫池山頂旱禱輒有應 一

在縣東十五里華池 一在縣東三里滯溪順治

十六年知縣趙士宏重修道光同治年間相繼重
修 一在縣北二十里卽沸水發源處旱禱輒應

入蜡廟在南門外雍正三年知縣李祖望咸豐七年
知縣周雲翥相繼重修每歲致祭 一日先嗇

二日司嗇 三日農 四日郵表礮 五日猫虎

絳縣志

卷之三

壇廟

十三

六日防 七日水塘 八日昆蟲

劉將軍廟在南門外北八蜡廟前雍正三年知縣李
祖望建

真武廟在縣治西北明萬曆二十一年知縣黃維翰
修

國朝道光十五年知縣周均重修

三官廟在縣治西南乾隆五十六年嘉慶二十五年

光緒二年北街紳民相繼重修 一在縣西二十

里崔村明天啟三年邑令牛耀台重修

馬王廟在縣治南街 一在縣西南十五里冷口峪
康熙間知縣盧絳勸建

崔府君廟在縣東關北隅道光七年重修

財神廟在西門外乾隆二十七年知縣拉昌阿建同
治六年知縣陳懷璋移東嶽廟內

東嶽廟在西門外

三神廟在南門外明嘉靖三十九年邑令徐富創建
邑人吉大來有記

梓潼帝君廟在縣治東門外野虎溝界乾隆五十五

絳縣志

卷之三

壇廟

十四

年知縣宋如林建每年春秋二仲月各致祭一次
二月初三日致祭一次 一在縣治東門外天池
北乾隆十九年建道光二年修 一在縣東南二
十里華山頂 一在縣東北南樊鎮乾隆四十五
年建

晉文公廟在縣東二十里下村有塚見陵墓呂夢得
記每歲春秋致祭各一次

天齊廟在縣東二十里鄭柴吉峪南柳北柳范柴報
賽

玉皇廟在縣東六十里歪頭山頂

羊舌大夫廟在縣東十五里范村

聖母廟在縣東北五十里續魯卽柏林積雪處明萬
厯間知縣黃維翰修建鄉民立生祠於上

國朝順治十二年知縣賀雲舉重修咸豐七年修

天神廟在縣東北二十里南柳莊

絳侯廟在縣西十五里勃村今廢

皋陶廟在縣西十五里岡底村

介之推廟 一在縣東北二十里郇王莊 一在縣

絳縣志

卷之三

壇廟

十五

西十里西喬村

泰山廟在縣南十里留孟莊

萬壽宮在縣治東北康熙三十年知縣盧絳建乾隆

五年知縣王昊復建後殿三楹光緒二年知縣孟

詞宗及東街紳民重修

姜嫄祠在縣南三十里煙莊存雲嶺上廟傍有塚見

陵墓元至正七年縣尉郭道遠重修有記明天順

八年修有司春秋致祭焉

坤柔祠在縣西五里吳璧村唐貞觀三十年建祠傍

多桃李夏月荷香繞池邑中勝景也元至正四年
重修

五公祠祀守道王公守道班公巡道蕭公協府許公
知府李公

汪公祠在東關康熙元年闔邑士民爲知縣汪自潤
建邑人譚田明有記

